



ХАВАР

خبر

Ўзбекистон Республикаси Алоқа Вазирлиги нашри

1992 йил мартдан чиқа бошлаган ● 1997 йил, 28 март № 13 (241) ●

Сотувда нархи эркин

ХАР КҮНИНГ НАВРҮЗ БҮЛСАН...

Буюк аллома ва шоир Умар Хайём «Наврўзнама» китобида шундай ёзди: «Кимки Наврўз куни байрам қилиб қувонса, кейинги Наврўзгача хуррам бўлади ва фароғатда яшайди». Республика-миз алоқа корхоналарининг меҳнат жамоалари муборак Наврўзи айёмда чин дилдан яйраб байрам қилдилар. Таҳририятимизга кел-летган кўплаб мактублар мана шундан далолат беради.

— Яқинда вилоятимизнинг Учқургон тумани почта ва электралоқа боғламаларида Наврўз тантаналари бўлиб ўтди, — деб ёзди Наманган вилояти Учқургон тумани Қайқи алоқа бўлимнинг бошлиғи Башоратхон Аҳме-дова таҳририятимизга йўллаган мактубида. Мазкур тал-бирда туман почта боғлама-си бошлиғи А. Курбонов ҳам-да электралоқа боғламасининг бошлиғи С. Қосимовлар сузга чиқиб, йиғилганлар-ни Наврўз айёми билан та-бриклашди, меҳнат фахрийла-рига пул мукофотлари тоши-ришди. Сунгра катта дошқо-зонларда пиширилган сума-лак, ош каби миллий таом-лар дастурхонга тортидди. Уч-қургон тумани маданият уйи ханаскорлари узларининг дил-рабо куй ва қўшиқлари бил-дан байрам иштирокчилари-ни хушнуд этишди. Туман алоқачилари миллий кураш мусобақаси каби бир қатор халқ уйишларини мириқиб то-моша қилишди. Байрам тан-таналари кечгача давом этди. Худди шунга ўхшаш тан-таналар Тошкент электротех-

ника Алоқа институтида ҳам бўлиб ўтди. Талабалар инсти-тутининг спорт майдончасида ҳаваскорларнинг курғазмали чиқишларини завқланиб то-моша қилдилар. Ёшлар ижро этган куй-қўшиқ, рақслар бар-чага кўтаринки кайфият ба-ғишлади. Институт маъмури-ятининг саъй-ҳаракати билан тузатишган байрам дастурхо-нига алоқа корхона ва таш-килотларидан меҳмонлар, би-лим даргоҳининг ўқитувчи-му-раббийлари, талаба-ёшлар тақлиф қилинди. Дастурхон-га пазандалар томонидан тайёрланган таомлар «шоҳи» — паловхонтура тортидди.

Фасллар келинчаги бўл-миш баҳорнинг илиқ кунла-рида юртимизнинг барча ки-ши-лоғу шаҳарларидаги одамлар ўзидаги қувончу шодликни куриб, беихтиёр Алишер Нав-оний бобомизнинг машҳур га-залидан қуйидаги ўлмас сатр-ларни айтнинг келади:

Хар тунинг қадр ўдубон,
Хар кунинг ўлсин НАВРҮЗ...

Абдуғани
АБДУРАҲМОНОВ



Тошкент шаҳар телефон алоқаси ва радиолоштириш ишлаб чиқариш бирлашмасида кўплаб ёшлар меҳнат қилишади.

СУРАТДА: Пойтахтимиздаги 22/23-АТСларнинг кросс электромонтёрлари Наталья СМАГИНА ва Лариса КАРГАЧЁВА иш устида.

Сураткаш Т. ЛУТФУЛЛАЕВ

ОЛАМДА НИМА ГАП?

● Янгиликлар ● Воқеалар ● Хабарлар

● Матбуотда «Ўзбекистон Республикасининг уй-жой қури-лишида ислохотларни чуқурлаш-тириш чора-тадбирлари тўғриси-да» Ўзбекистон Республикаси Президентининг Фармони эълон қилинди.

● Греция Республикаси Президенти Константинос Стефанопулоснинг тақлифига биноан Ўз-бекистон Республикаси Президенти Исрол Каримов шу йил 31 мартдан 2 апрелга қадар рас-мий таширф билан Греция Рес-публикасида бўлади.

● Ўзбекистон қасаба уюшма-ларининг В. Митрофанов номи-даги сув спорти саройи қайта таъмирланиб, спорт-соғломлаш-тириш мажмуи айланттирилади. Яқинда ана шу янги ишшоотнинг очилишига бағишланган тапта-нали йиғилиш бўлиб ўтди.

● Жорий йилнинг 4-6 апрель кунлари Термиз шаҳрида Имом ат-Термизий хотирасига бағиш-лаб миллий кураш бўйича III

халқаро турнир бўлиб ўтади.

● Ўзбекистон ва Тожикистон ҳу-куматлари ўртасида тузилган аҳд-номага мувофиқ, катта муруват талбири бошланди. Республикасини Халқ таълими вазирлигидан олин-ган хабарга қараганда, қўшни дав-латнинг Хўжад вилоятига турли фанлар бўйича дарсликларнинг дастлабки туркуми жўнатилди. Бу дарсликлар кирилл алифбосида ёзилган бўлиб, ўзбек мактаблари-нинг биринчи синфларига мўлжал-ланган.

● Озарбайжон Президенти Хай-дар Алиев расмий таширф билан Украинага келди. Киевда бўлиб ўтадиган музокараларда асосан ик-ки мамлакатнинг иқтисодий ҳам-корлигига оид масалалар кўриб чи-қилди.

● Америка Қўшма Штатлари-нинг Белорусдаги элчихонаси хиз-матчиси С. Александров Минскда бўлиб ўтган норасмий намоёнда қатнашгани учун мамлакатдан чи-қариб юбориладиган бўлди.

● Албания Ички ишлар ва-зирлиги мамлакатда ташкил этилган «Миллий кутқарув» кў-митасини тан олмаслигини маъ-лум қилди.

● Югославия парламенти мамлакат ҳукуматининг янги тар-кибини тасдиқлади. Унга кўра, Радое Контич Бош вазир этиб тайинланди.

● Югославия парламенти делегация-си Осие мамлакатлари бўйлаб ун кунлик сафарга чиқди. Деле-гация дастлаб Жанубий Кореяга таширф бўюради. Бу ерда улар Корея ярим оролидаги можаро-ни тинч йул билан ҳал қилиш ва икки томонлама савдо алоқа-ларини ривожлантириш масала-ларини муҳокама этади.

● Тайванда чоп этилган «Лянхэбао» газетасининг ёзиш-ча, Хитой ҳукумати шу йилнинг апрель ойида мазкур «Орол дав-лат» яқинда йирик ҳарбий маш-гулотлар ўтказишни режалаштир-моқда.

Холмамат ҚУРБОНОВ:

ЕНГ ШИМАРИБ МЕҲНАТ ҚИЛАМИЗ

Нарпай Самарқанд вилоятининг олис туманларидан би-ри ҳисобланади. Лекин бу ерга келган киши ўзини марказ-дан анча олисда эканлигини «унутиб» қўйиши турган гап. Чунки бу ердаги алоқачилар моҳирлик билан узогингизни яқин қилишади.

Холмамат ака Қурбонов Самарқанд вилоятидаги алоқа корхоналарида узоқ йиллар ишлаб, катта тажриба, мала-ка орттирган, беш йилдан буён Нарпай тумани электрало-қа боғламасига раҳбарлик қилмоқда. Биз у киши билан суҳбатлашдик.

— Холмамат ака, мана, 1997 йилнинг ҳам уч ойи ортда қолди. Утган йил якунлари ҳақида энди да-дил гапириш мумкин, тўғ-рими?

— Тўғри. Утган йил умуман олганда биз учун самарали йил бўлди, деб айтиш мум-кин. Нега деганда 1996 йил-да транспорт ва бошқа тур-ли-туман юмушлар учун кат-та харажат қилишимизга тўғ-ри келди, лекин шунга қара-май йилни яхшигина даро-мад билан яқунлашга эриш-дик. Ходимларимизга маош беришда узилтишлар бўлма-ди, илгор алоқачиларимизга мукофотлар бердик.

Агар туманимиздаги бар-

ча корхоналар, хўжаликлар уз қарзларини вақтида узганла-рида эди, курсаткичларимиз бундан ҳам яхши бўларди.

— Сиз ўз сўзингизда ил-гор алоқачи, деган иборани тилга олдингиз, бу но-мга қандай ходимлар сазо-вор бўлди?

— Туманимиз участкаларга бўлинган, ҳар бир участкага маълум бир киши бириктиб қўйилган. Ана шу участкалар-да алоқа тизими узлуксиз ишласа, аҳолидан шикоят ту-шишига йул қўйилмас, бун-дай ходимни илгор алоқачи деб айтса бўлади. Шуну кувонч билан айтишим мумкин-ки, бизда бундай алоқачилар кўп. Масалан, Зулфия Қузи-

ва, Роза Бобонорова, Мукар-рам Норбоева Абубакр Раҳи-мов, Нурмамат Ҳасанов ва яна кўплаб ходимларимиз борки, улар узоқ йиллардан бўён ҳормай-толмай ишлаб келиш-моқда.

— 1997 йил инсон ман-фаатлари йили деб эълон қилинди. Ана шу улуг ният-ни рўёбга чиқариш бораси-да нима ишлар қилмоқчи-сизлар?

— 1997 йилни инсон ман-фаатлари йили деб эълон қи-линганлиги бизнинг зимма-мизга катта масъулият юк-лайди. Чунки бизнинг соҳа-миз бевосита инсон манфаат-лари билан боғлиқ. Демак, биз бу йил утган йилдагига қараганда ҳам самаралироқ ишлашимиз лозим бўлади. Чунки биз уз фаолиятимиз билан аҳолига мумкин қадар кўпроқ қулайликлар яратиши-

миз, хизмат курсатиш дара-жасини янада юқорироқ кў-таришимиз лозим. Алоқачи-ларимиз буни чуқур тушун-ган ҳолда меҳнат қилишмоқ-да.

— Ишларингизга му-ваффақиятлар тилаймиз.

— Раҳмат.

Суҳбатни «Хабар»нинг махсус мухбири Шоҳруҳ АКБАРОВ ёзиб олди

• Сизга қандай хизмат кўрсатишмоқда?

Тожибоб ПАРДАЕВ:

ХИЗМАТ КЎРСАТИШ МАДАНИЯТИ ОРТАДИ



СУХБАТДОШИМИЗ — Пардаев Тожибой Ўсарович 1960 йили Зомин туманида таваллуд топган. 1983 йили Тошкент электротехника Алоқа институтини тугатган. Ўша йилдан бошлаб Жиззах шаҳар электралоқа тармоғида ишлаб келмоқда. У иш фаолиятини бўлим бошлиқлигидан бошлаган бўлса, кейинчалик бошлиқ ўринбосари, бош муҳандис вазифаларида ишлади. 1996 йилдан бошлаб Жиззах шаҳар электралоқа боғламасига раҳбарлик қилмоқда.

Мустақиллигимиз катта имкониятларни яратди. Соҳа ходимлари ҳам тизимда янги иш услубларини жорий қилишга интилишмоқда. Бу ўз навбатида ишда ижобий ўзгаришлар бўлишига сабаб бўлади. Хўш, Жиззах шаҳар электралоқа боғламасида ўтган йили қандай муваффақиятларга эришилди? Тизимда туб ислохотларни амалга оширишга қандай эътибор берилмоқда? Жорий йилда корхонанинг режалари қандай? Жамоатчи

мухбиримиз яқинда мана шу саволлар билан тармоқ раҳбари Тожибой ПАРДАЕВга мурожаат қилди:

— Кейинги йилларда республикамизда телекоммуникацияни ривожлантиришга катта эътибор берилди бошланди. Республикамизда «2010 йилгача мулжалланган телекоммуникация тармоқларини ривожлантириш ва такомиллаштириш Миллий дастури»нинг қабул қилиниши фикримизнинг исботидир. Мазкур дастур асосида зиммамизга катта вазифаларни олганмиз. Ўтган йил якуни ту-

рисида тўхталадиган бўлсам, жамоамиз ёмон ишламади. Миқозларга 88 миллион сумликдан зиёд 1995 йилга нисбатан 23 миллион сумдан кўп алоқа хизмати кўрсатилди. Биз бу муваффақиятларга осонликча эришганимиз йўқ. Бунинг учун 317 нафар алоқачиларимиз астойдил меҳнат қилдилар.

Телефон узокни яқин қилувчи дастур. Бизнинг бу хизматимиздан фойдаланиш учун кўнунга юзлаб фуқаролар шаҳарлараро сузлашув масканига кириб туришади. Айни пайтда бу сузлашув мас-

канида бир вақтнинг ўзида 18 миқозга хизмат кўрсатиш имконияти мавжуд. Бу йил сузлашув хонасида жорий таъмирлаш ишларини режалаштирганмиз.

Биз аҳолидан, қолаверса, маҳалла фаоллари йигинларидан тушган таклифларни урганиб чиқяпмиз. Яқин кунларда 4-АТС негизда, Навоий маҳалласида шаҳарлараро сузлашув масканларини очиб, шаҳар аҳолисига яна бир қўлайлик яратамиз.

Вилоят давлат электралоқа ишлаб чиқариш корхонасининг 60 фоизига яқин иши бизнинг тармоғимизга тўри келади. Ишчи-хизматчиларимиз 17.500 миқозга хизмат кўрсатмоқда. Уз касбига меҳр қўйган ишчиларимизни қадрлаймиз. АТСлар, булимлар, электромантурлар уртасида бажарилаётган ишнинг сифати буйича беллашувлар ташкил этиб, голибларни рағбатлантириб борапмиз. Ўтган йил якуни буйича 4-АТС жамоаси биринчи ўринни олди. Электромантурлардан Шароф

Розиқов, Мамаражаб Аббасов, Эркин Содиқовлар йилнинг энг моҳир касб эгалари деб топилди. Уларнинг ҳар бирига 1,5 миң сумдан мукофот пуллари берилди.

Инсон манфаатлари йилида биз бу билан чегараланиб қолмай, ишчи-хизматчиларимизнинг яшаш шароити билан яқиндан танишиб, турмуш тарзи ноқарорлашган оилаларга моддий ёрдам кўрсатамиз. Шунингдек, алоқа соҳасида кўп йиллар ишлаб, айни пайтда қарилликда шаҳарлараро сузлашув масканларининг ҳолидан хабар олиб туришни режалаштирганмиз. Айни пайтда нафақачиларнинг телефон туловларидан овоз қилдик.

Жорий йилда тармоқни давлат тасарруфидан чиқармоқчимиз. Бу борада меъёрий ҳужжатларни тайёрлапмиз. Мақсадимиз битта, у ҳам бўлса, аҳолига сифатли алоқа хизмати кўрсатишдир. Жамоамиз аъзолари ана шу мақсадда сиққидилдан меҳнат қилмоқдалар.

Й. УРДУШЕВ
суҳбатлашди,
Жиззах вилояти

КАСБГА ИХЛОС

Улғуҳжа МАДАМИНОВ Чортоқ туманининг энг чекка қишлоғи — Ўнгор тоғининг шундайгина биқинида жойлашган Ҳазратишоҳдаги алоқа бўлимида хизмат қилади. Кўп гапиришни ёмон кўради. Касбига ихлос қўйган бу йигит 18 йилдан бери алоқа соҳасида аввал почтачи, кейинги йилларда эса бўлим бошлиғи бўлиб ишлаб келмоқда. У бизга қуйидагиларни гапириб берди:

— 1979 йилдан алоқа бўлимида почтачи бўлиб иш бошлаганман. Дастлаб тажрибасизлик қилибми, одамлардан тузуккина даки эшитган пайтларим ҳам бўлган. Бора-бора ҳаммаси изга тушди. Қилаётган ишимни шунчаки жун иш эмаслигини англадим. Ўзига яраша сир-синаотларидан воқиф бўлдим.

Урни келганда айтиб қўяй. Почтачилик касби одамлар наздида гўё енгилдек туюлади. Аслида ҳам шундайми? Уз тажрибамдан билдимки, бу иш-

нинг турган битгани галва. Айрим ҳамкасбларимнинг 1-2 ой ишлаб-ишламай хайрмаъзур қилганларига ҳам гувоҳ бўлганман. Газета-журналлар, хат-хабарлар шонлиночмалар вақтида уз эгаларига етказилмаса ким айбдор? Албатта почтачи-да. Яна бу ёқда нафақа ва ёрдам пуллари ҳам турибди. Кейинги йилларда уларнинг зиммасидаги масъуляти янада ошди. Бозор иқтисодиёти шароитида фақат изланиб ишлаётганлар ютыпти. Боқимандалик касалига йулиққан ҳамкасбларимизнинг иши касод бўла бошлади.

Ҳозир бўлимда уч киши ишлаймиз. Почтачи Сиддиқхўжа Маъмуров, Абдувалик Абдулҳакимовларнинг хизмати кўпчиликка маъқул. Уларнинг саъй-ҳаракатлари туфайли ҳамқишлоқларимизнинг 600 нафари 12 хил турдаги газета-журналларни олиб ўқишмоқда. Бундан ташқари, обуна бўлишга улгурмай қолган кишилар учун бўлимда даврий нашрлар сотувини йўлга қўйганмиз. Эндиликда нафақа пуллари тарқатишда узилишлар умуман бўлмапти.

Зиммамизга халқимизга хизмат қилишдек масъулятли вазифа юкланган экан, бу йўлда уз меҳнатимизни аямаймиз.

Суҳбатни
Аҳмадҷон ТҶИҶИБОВ
ёзиб олди,
Наманган вилояти

ЭЪЛОН

Алоқа вазирлиги қошидаги Илмий-текшириш маркази алоқа институтини битирган ёшларни муҳандислик вазифаларига танлов асосида ишга таклиф этади. Танловда иштирок этишни хоҳловчилар алоқа соҳасида камида 3 йил ишлаган, инглиз тилини биладиган ва компьютерда ишлай оладиган бўлишлари лозим.

МАНЗИЛИМИЗ: Тошкент шаҳри, Навоий кўчаси 28 «А» уй.
Илмий-текшириш маркази. 4-қават, ходимлар бўлими.
тел: 44-37-70.

ШАБРИКЛАЙМИЗ!

Ҳурматли укамиз Ҳасан ШИРИНОВ!

Сени 29 март кун 50 ёшга тўлишинг муносабати билан кутлаймиз. Келинимиз Сайёраҳон билан кўша қариб, фарзандларинг — Абдуллоҳон, Дилдорохон ва Алишер-жонларнинг роҳатини кўришингга тилақдошимиз.

аканг **ҒАЙРАТЖОН**,
келинонинг **МУБОРАКХОН**

МУКОФОТ МУБОРАККИ!

Ўзбекистон Республикаси Президентининг Фармонига кўра мамлакатимизда иқтисодий ислохотларни амалга оширишдаги хизматлари, тadbиркорлик фаолиятини ривожлантиришга қўшган ҳиссаси ҳамда ижтимоий ҳаётда фаол қатнашаётганлиги учун «Ўздунробита» ўзбек-америка қўшма корхонаси бошқарувининг раиси **Дадли Бенджамин КРИСТИ** (доктор Кристи) «Шухрат» медали билан мукофотланди.

Ҳамроқул Саидов билимли, камтар инсон. Салобатли бу кишини кўчакўйда кўрганлар катта бир раҳбар деб ўйлашади. Аммо у киши оддий алоқа ходими.

Ҳамроқул аканинг ёдидан 1957 йилнинг 11 марти сира кутарилмайди. Чунки ўша кун у Нурота тумани шаҳарлараро телефон станциясига оддий мантурликка қабул қилин-



• Фахрийлар — фахримиз

ҲАМРОҚУЛ АКАНИНГ БАХТИ

ган эди. Мана шунга ҳам қирқ йил бўлди. Табиатан ҳаёлот инсон бўлган Ҳамроқул ака уз касбининг фидойисига айланди.

Алоқачи Ҳамроқул ака ҳарбий хизмат чоғида ҳам уз касбини унутмади. У полкда алоқачи-радиотелеграфчи эди. Хизматни утаб булгач, 1961 йилдан яна туман алоқачилари сафига келиб қўшилди. Уз соҳасини мукамалроқ ўрганиш мақсадида Самарқандда малакасини ошириб қайтди.

Ҳ. Саидов 1980 йил апрель ойидан назоратчи, 1992 йилдан бошлаб эса маслаҳатчи вазифаларида ишлаб, узининг ишчанлигини, касбининг фидойиси эканлигини кўрсатди.

Вилоятнинг илғор алоқачиларидан бир гуруҳи радио кун муносабати билан 1963 йили Тошкентга борди. Ушанда Шароф Рашидов Ҳамроқул акага ўз қули билан Фахрий ёрлик топширади. Алоқачи хотирасида шу кун унутилмас бўлиб қолади.

Ўтган даврда Ҳамроқул ака мураббий сифатида жуда кўп ёшларга алоқа ишини ургатди. Бугунги кунда шу соҳа буйича олий маълумотли мутахассис Адолат Худойкулова, Тоҳир

Мухаммадиев каби ёшлар у кишининг шогирдларидан ҳисобланишади. Айни пайтда Ҳамроқул Саидов нафақада бўлишларига қарамай, жонжон жамоасига тез-тез келиб туради. У киши маҳаллада ҳам иш боши. Туй-марака утказаетган маҳалладашлар Ҳамроқул ака Саидовдан маслаҳат олишади.

Оилада 3 нафар ўғил ва 5 нафар қизни камолга етказган, ҳали ҳам йигитлардек бардам-бақувват Ҳамроқул акага олтиши ёшингиз муборак бўлсин, деймиз.

Б. ҲАМРОЕВ,
Навоий вилояти,
Нурота тумани почта
алоқа боғламаси бош
ҳисобчиси

«Ўзбектелеком» концерни жамоаси Хоразм вилояти давлат электралоқа ишлаб чиқариш корхонасининг бошлиғи Маҳмуджон Собировга падари бузруквори

Солой ота СОБИРОВнинг вафоти муносабати билан ҳамдардлик билдиради.

Хоразм вилояти давлат электралоқа ишлаб чиқариш корхонасининг жамоаси корхона бошлиғи Маҳмуджон Собировга отаси

Солой СОБИРОВнинг вафоти муносабати билан чқур таъзия изҳор этади.

ДУШАНБА, 31

6.30 «Ассалом, Ўзбекистон!» Тонги дам олиш дастури. 8.00-8.30 «Хабарнома».

18.15 «Ерилош». Мультипликация. 18.45 ТВ плус... 19.00 «Киносабона».



ПАЙШАНБА, 3

6.30 «Ассалом, Ўзбекистон!» Тонги дам олиш дастури. 8.00-8.25 «Ахборот».

13.30 Ўзбек куйларидан концерт. 14.00-14.05 Янгиликлар.

20.25 Ўзлонлар. 20.30 «Ахборот». 20.55 Ўзлонлар.

СЕШАНБА, 1

ЧОРШАНБА, 2

ШАНБА, 5

ЖУМА, 4

ЯКШАНБА, 6